

HARI MINGGU PASKA KE-4 (C) **(Minggu Gembala Baik/Minggu Vokasi)**

Kisah 13:14. 43-52; Mazmur 99 (100): 1-3. 5. R/ v. 3; Wahyu 7:9. 14-17
Yohanes 10:27-30

Tema: GEMBALA YANG BAIK MENGENAL, MENGASIHI DAN MENGORBANKAN DIRINYA UNTUK DOMBANYA.

1. Hari ini adalah Minggu Paska ke-4, Tahun Liturgi C. Hari ini adalah juga Minggu Gembala Baik / Minggu Vokasi! Injil hari ini memberitahu kita mengenai Yesus Kristus Gembala Baik. Sebagai permulaan, Injil hari ini diambil dari Yohanes bab 10 mengenai Gembala Baik, dan ia adalah komentari kepada Yohanes bab 9 mengenai "Gembala Jahat", iaitu, para Farisi yang mengucilkan (excommunicate) orang buta yang sudah disembuhkan dari rumah Allah (sinagoga)! (CSB)

Pengantar Injil hari ini memberitahu kita bahawa Gembala Baik mengenal domba-domba-Nya dan mereka mengenal Dia, iaitu, Gembala Baik mengenali dan mengasihi domba-domba-Nya dan domba-domba-Nya mengenal dan mengasihi-Nya! (Yoh 10:14;NJB) Mengenal adalah mengasihi dan mengasihi adalah mengenal! Kita tidak dapat mengasihi seseorang jika tidak mengenalinya!

Injil hari ini memberitahu kita bahawa Gembala Baik memberi kehidupan kekal kepada domba-domba-Nya, dan mereka tidak akan hilang, dan tidak seorang pun dapat mencuri domba-domba itu daripada-Nya! Iaitu, Gembala Baik melalui kematian dan kebangkitan-Nya dan pencurahan Roh Kudus memberi kehidupan kekal kepada domba-domba-Nya! Itulah sebabnya mengapa domba-domba-Nya tidak akan hilang dan tidak ada seorang pun dapat mencuri daripada-Nya!

Injil hari ini juga memberitahu kita bahawa Gembala Baik dan Bapa adalah satu! Iaitu, Gembala Baik hidup dalam cinta kasih dan bersatu dengan Bapa; Gembala Baik adalah dalam berkomunikasi, berkomunikasi dan berk komuniti dengan Bapa! Bahkan, Gembala Baik berkongsi dalam seluruh sifat keilahian Bapa!

2. Bacaan kedua memberitahu kita mengenai Gembala Baik! Bacaan kedua memberitahu kita bahawa Anak Domba Allah yang dibunuh dan dikorbankan dan yang menghapus dosa kita dengan darah-Nya adalah Gembala Baik! Itulah sebabnya mengapa Dia dapat memberi kita kehidupan kekal! Bahkan, hanya Dia sahaja dapat memberi kita kehidupan kekal! Dengan itu kita baca bacaan kedua:

"Mereka tidak akan menderita lapar dan dahaga lagi, dan matahari atau panas terik tidak akan menimpa mereka lagi. Sebab Anak Domba yang di tengah-tengah takhta itu, akan menggembalakan mereka dan akan menuntun mereka ke mata air kehidupan. Dan Allah akan menghapus segala air mata dari mata mereka.(Wahyu 7:16-17; SM)

Injil dan bacaan kedua memberitahu kita bahawa Gembala Baik mengenal dan mengasihi domba-domba-Nya, mengorbankan diri-Nya untuk domba-domba-Nya, dan bersatu bersama Bapa! Marilah kita hari ini memberi kesyukuran kepada Allah Bapa kerana Putera-Nya Yesus Kristus Gembala Baik, dan marilah kita mohon kepada Allah untuk memberi kita Gembala-gembala Baik yang dapat mengenal dan mengasihi kita, yang dapat mengorbankan dirinya sendiri dan yang dapat bersatu dengan Bapa dalam iman dan doa!

3. Gembala Baik bukan sahaja untuk orang Yahudi. Gembala Baik adalah juga untuk orang kafir dan yang bukan Yahudi! Sesungguhnya, Gembala Baik adalah untuk semua bangsa-bangsa dan untuk seluruh dunia!

Bacaan pertama memberitahu kita bahawa sabda Allah, kabar gembira, bukan hanya untuk orang Yahudi, tetapi Sabda Allah(kabar gembira), adalah juga untuk yang kafir dan yang bukan Yahudi! Bahkan, bacaan pertama memberitahu kita orang Yahudi telah menolak sabda Allah, kabar gembira; akibatnya sabda Allah telah diajar kepada orang yang kafir dan mereka telah menerimanya dengan sukacita! Dengan itu, kita baca dalam bacaan pertama:

"Tetapi dengan berani Paulus dan Barnabas berkata , 'Memang kepada kamulah firman Allah harus diberitakan lebih dahulu, tetapi kamu menolaknya dan menganggap dirimu tidak layak untuk beroleh hidup kekal. Karena itu kami berpaling kepada bangsa-bangsa lain. Sebab inilah yang diperintahkan

kepada kami: Aku telah menentukan engkau menjadi terang bagi bangsa-bangsa yang tidak mengenal Allah, supaya engkau membawa keselamatan sampai ke hujung bumi.'" (Kis 13: 46-47; SM)

4. Mazmur antarbacaan juga memberitahu kita mengenai Gembala Baik. Mazmur antarbacaan adalah kidung pujian dan kesyukuran kepada Allah Gembala Baik kita. (HCSB) Justru itu sahutannya:

"Kita ini umat-Nya dan domba gembalaan-Nya." (Mzm 99 (100): 3; SM)

Mazmur antarbacaan mempunyai tiga rangkap. Rangkap pertama memberi pujian dan kesyukuran kepada Allah (ayat 1-2). Rangkap kedua memberi pujian dan kesyukuran kepada Allah sebab Dia adalah pencipta dan gembala kita (ayat 3)! Rangkap ketiga memberi pujian dan kesyukuran kepada Allah kerana kebaikan dan cinta kasih setia-Nya(ayat 5)!

5. Hari ini, Minggu Gembala Baik, kita bersyukur kepada Allah kerana Putera-Nya Yesus Kristus, Gembala Baik, dan kita mohon kepada Allah untuk memberi kepada kita Gembala Baik yang mengenali dan mengasihi kita, yang dapat mengorbankan diri mereka untuk kita dan yang dapat menjadi satu iman dan doa bersama dengan Allah Bapa!

Hari ini adalah juga Minggu Vokasi, hari ini kita bersyukur kepada Allah atas banyak vokasi imamat dan religius, dan hari ini kita mohon kepada Allah untuk memberi kita lebih banyak lagi vokasi imamat dan religius. Hari ini dalam Diosis Sandakan kita, kita mempunyai 7 paderi dan 1 uskop! Hari ini kita juga mempunyai 12 Seminarian dalam seminari kita, 5 di Kota Kinabalu dan 7 di Kuching. Hari ini kita bersyukur kepada Allah atas seminarian kita dan kita terus menerus berdoa bagi mereka. Hari ini pungutan pertama dan kedua akan diberi kepada Uskup untuk pemeliharaan Seminari dan seminarian kita.

Sukacita Paska kepada kamu semua dan sukacita Gembala Baik dan Minggu Vokasi kepada kamu semua!

Amen!

6. Hari ini marilah kita juga merenungkan kepada "Penginjilan" dan "Asuhan(Care) Pastoral" Kedua tema tersebut adalah berkaitan. Dalam Penginjilan kitaewartakan kabar gembira, supaya orang lain dapat percaya dan dibaptis! Dalam asuhan pastoral kita terus mengasihi dan mengasuh kepada yang dibaptis!

Bahkan kedua-dua tema ini didapati dalam Injil versi panjang pada Minggu lalu (Yoh 21:1-9; SM; Faley; Brown)! Dalam versi singkat Injil Minggu lalu, Petrus telah dipersembahkan kepada kita sebagai penjala, penjala manusia, untuk menjala manusia untuk Allah, iaitu, penginjilan; tetapi pada versi Injil yang panjang Petrus telah dipersembahkan kepada kita sebagai gembala yang memberi makan kepada domba-domba Yesus, iaitu, penjagaan pastoral!

Hari ini bacaan pertama juga memberitahu kita mengenai penginjilan, dan bacaan kedua dan Injil memberitahu kita mengenai penjagaan pastoral!

Tiga Minggu yang lalu pada Malam Menjelang Paska, ramai saudara-saudari kita telah menerima tiga sakramen Inisiasi Kristian, iaitu, Pembaptisan, Penguatan dan Ekaristi! Kita perlu terus menerus mengasihi dan menjaga mereka! Kita perlu menjemput mereka untuk bersama kita dalam Kursus Alfa, Pertemuan Doa Kelompok, Komuniti Neo-Katekumenal, Komuniti Ekleisial Dasar (KED), Perkongsian Alkitab, Liga Maria, dll.!

Lebih penting, ibubapa dan penanggung harus memastikan mereka yang baru dibaptis dan dikuatkan menghadiri Misa Kudus setiap hari minggu! Gembala-gembala harus memastikan para domba makan dan minum setiap Minggu! Sekali lagi, sukacita Minggu Gembala Baik kepada kamu semua! Amen!

Fr. Nicholas Ong, Holy Trinity Catholic Church (HTCC), Tawau, Sabah, Malaysia,

Rujukan: Catholic Study Bible (CSB); New Jerusalem Bible (NJB); HarperCollins Study Bible (HCSB); Sunday Missal (SM).